



Patriarchatus Latinus- Ierusalem
البطريركية اللاتينية الأورشليمية
المكتب الليتورجي
Officium Liturgicum

Die 16 Octobris
S. Longini, Militis et Martyris

Ant. ad introitum

cf Apoc 5, 9

Redemisti nos, Dómine, in sánguine tuo, ex omni tribu
et lingua et pópulo et natióne.

Collecta

Dómine Iesu Christe, qui dixisti:

«Si exáltatus fúero a terra, ómnia traham ad meipsum»:

præsta quæsumus,

ut per intercessiónem beáti Longini Mártyris,

tuæ circa nos pietátis semper víscera sentiámus.

Qui vivis.

LECTIO PRIOR

«Videbunt in quem transfixerunt»

Lectio libri Zachariæ prophetæ

12, 10-11a; 13, 6-7

Hæc dicit Dóminus:

«Effúndam super domum David et super habitatóres Ierúsalem spíritum grátiae et precum: et aspicient ad me. Quem confixerunt plangent quasi planctu super unigénitum, et dolébunt super eum ut doléri solet super primogénitum. In die illa magnus erit planctus in Ierúsalem».

Et dicétur ei: «Quid sunt plagæ istæ in médio mánuum tuárum?» Et dicet: «His plagátus sum in domo eórum qui diligébant me». Percute pastórem et dispergéntur oves, et convértam manum meam contra párvulos».

Verbum Dómini.

PSALMUS RESPONSORIUS

Ps 21,1 et 7. 8-9. 17c-18. 19-20 (R: 17c)

R̄. Fodérunt manus meas et pedes meos, et dinumerávi
ómnia ossa mea.

- 1 Deus, Deus meus, quare me dereliquisti?
Ego autem sum vermis, et non homo,
oppróbrum hóminum et abiéctio plebis. R̄.
- 2 Omnes vidéntes me deriserunt me;
torquéntes lábia movérunt caput:
«Sperávit in Dómino, erípiat eum;
salvum fáciat eum, quóniam vult eum». R̄.
- 3 Fodérunt manus meas et pedes meos,
et dinumerávi ómnia ossa mea.
Ipsi vero consideravérunt et inspexérunt me. R̄.
- 4 Diviserunt sibi vestiménta mea,
et super vestem meam miserunt sortem.
Tu autem, Dómine, ne elongáveris.
fortitúdo mea, ad adiuvándum me festína. R̄.

ALLELUIA

Io 19, 36-37

Rꝫ. Alleluia V̄. Facta sunt haec ut Scriptúra impleátur:
«Vidébunt in quem transfixérunt».
Rꝫ. Allelúia.

EVANGELIUM (propr.)

«Unus militum lancea latus eius aperuit»

✠ Lécio sancti Evangélii secúndum Ioánnem 19, 31-37

Iudæi, quóniam Parascève erat, ut non remanérent in cruce córpora sábbato, erat enim magnus dies illíus sábbati, rogavérunt Pilátum ut frangeréntur eórum crura et tolleréntur. Venérunt ergo mílites, et primi quidem fregérunt crura et al-
térius qui crucifíxus est cum eo; ad Iesum autem cum venís-
sent, ut vidérunt eum iam mórtuum, non fregérunt eius crura, sed unus mílitum láncea latus eius apéruit, et continuo exívit sanguis et aqua.

Et qui vidit testimónium perhíbuit, et verum est eius testimónium, et ille scit quia vera dicit, ut et vos credátis. Facta sunt enim hæc ut Scriptúra impleátur: «*Os non minuétur eius*», et íterum ália Scriptúra dicit: «*Vidébunt in quem transfixérunt*».

Verbum Dómini.

Super oblata

Deus, qui Filii tui sacrificio cunctum voluísti mundum salváre, per huius oblatiónis virtútem concéde, ut omnes ad cor apértum Salvatóris attrácti, iúgiter hauriamus e fóntibus salútis in gáudio. Per Christum.

Praefatio

V̄. Dóminus vobiscum.
Rꝫ. Et cum spiritu tuo.
V̄. Sursum corda.
Rꝫ. Habémus ad Dóminum.
V̄. Gratias agámus Dómino Deo nostro.
Rꝫ. Dignum et iustum est.

Vere dignum et iustum est, aequum et salutáre, nos tibi, semper et ubíque grátias ágere: Dómine, sancte Pater, omnípotens aetérne Deus: per Christum, Dóminum nostrum. Qui, mira caritáte, exaltátus in cruce, pro nobis trádidit semetípsum, atque de transfíxo látere sánguinem fudit et aquam, ex quo manárent Ecclésiæ sacraméta, ut omnes, ad Cor apértum Salvatóris attrácti, iúgiter haurirent e fóntibus salútis in gáudio. Et ídeo, cum Sanctis et Angelis univérsis, te collaudámus, sine fine dicétes:
Sanctus, Sanctus, Sanctus...

Ant. ad communionem

Unus mílitum láncea latus eius apéruit, et continuo exívit sanguis et aqua.

Post communionem

Deus, innocétiæ restitútor et amátor, dirige ad te corda servórum tuórum: ut, eucharístici convívii fortitúdi-
ne roboráti, et in fide inveniántur stábiles, et in ópere eficáces. Per Christum.

Io 19, 34